

山西府縣志輯

中國地方志集成

乾隆太原府志(二)

道光陽曲縣志

道光太原縣志

中國地方志集成

山西府縣志輯 ②

乾隆太原府志（二）

道光陽曲縣志

道光太原縣志

鳳凰出版社 ● 上海書店 ● 巴蜀書社

太原府志卷五十一

辨證

易曰君子學以聚之問以辨之又曰明辨晷也夫學非辨不明辨非證不確况唐虞以來所傳異詞所聞又異詞不爲之考同異別是非觀覽者將何所適從乎志辨證

通志陽曲秦爲狼孟在今縣北六十里漢置陽曲在今縣東北八十里乃忻州定襄縣界也漢末徙太原縣北四十五里魏武築城於太原之北狼孟之南隋改陽直又徙治漢汾陽故城在今縣治西七十里復分孟縣尋廢唐初析陽直置汾陽又省陽直更汾陽曰陽曲在城東六十五里後又徙治陽直廢縣今縣東北六十里有汾

太原府志

卷五十一

辨證

一

陰城名羅陰村卽隋之洛陰府唐初別置之羅陰縣也武德時置蔚州貞觀時置燕然縣皆僞治并州陽曲宋徙陽曲於今西郭十五里卽三交城西北六七里有古城遺蹟意卽魏陽曲護軍治水經注所謂洛陰水逕陽曲城北汾水逕陽曲城西南注者也歷元明而陽曲附郭遂永爲會城然宋金以前陽曲在北皆由遠遷近未可以今縣治爲古陽曲也

陸游老學庵筆記太平興國四年平太原降爲并州廢舊城徙州於榆次今太原則又非榆次乃三交城也城在舊城西北三十里亦形勝之地本名故軍又嘗爲唐明鎮有晉文公廟甚盛平太原後三年帥潘美奏乞爲并州從之於是徙晉文公廟以廟之故址爲州治又徙陽

曲縣於三交而榆次復爲縣 按三交城在縣西十五里卽大夫竇鳴犢城舊有驛路通忻州

通志詩云薄伐玁狁至於太原毛鄭皆不詳其地其以爲今太原陽曲縣者始於朱子而余未敢信也古之言太原者多矣若此詩則必先求涇陽所在而後太原可得而明也漢書地理志安定郡有涇陽縣開頭山在西夷貢涇水所出後漢書靈帝紀段熲破先零羌於涇陽注涇陽縣在安定屬原州郡縣志原州平涼縣本漢涇陽縣地今縣西四十里涇陽故城是也然則太原當卽今之平涼而後魏立爲原州亦是取古太原之名爾計周人之禦玁狁必在涇原之間若晉陽之太原在大河之東距周京千五百里豈有寇從西來兵反東出者乎故

太原府志

卷五十一

辨證

二

天子命我城彼朔方而國語宣王料民於太原亦以其地近邊而爲禦戎之備必不料之於晉國也又按漢書賈捐之言秦地南不過閬越北不過太原而天下潰畔亦是平涼而非晉陽也若禹貢既修太原至於岳陽春秋晉荀吳帥師敗狄於太原及子產對叔向宣汾洮障大澤以處太原則是今之晉陽而豈可以晉之太原爲周之太原乎禹貢既修太原小雅至於太原左傳臺駘能業其官以處太原春秋昭公元年晉荀吳帥師敗狄於大鹵三傳皆作太原左傳還實沉於大夏史記禹鑿龍門通大夏齊桓公西伐大夏左傳命唐叔以唐誥而封於夏虛春秋定公十三年晉趙鞅入於晉陽以叛杜注大夏太原晉陽縣也通典大鹵卽太原晉陽縣也晉

大鹵太原大夏夏虛晉陽六名其實一也

通志太原舊隸并州然漢并州領郡十晉并州領郡國六
胥非專制太原漢晉并州治晉陽城在今太原縣北一
里一名唐城晉末治黎城縣之臺壁後復治晉陽符姚
赫連徙并州置河東唐以太原爲北都置留守宋太平
興國四年平太原毀其城改爲平晉縣以榆次爲新并
州七年二月復徙并州於唐明鎮因晉文公廟爲州治
而盡徙太原民於唐明府仍號太原由是太原府亦稱
晉陽矣自春秋時董安于理晉陽公宮東魏靜帝時置
晉陽宮隋更名新城開皇時又築倉城唐貞觀時長史
李勣築於汾河東岸曰東城武后時長史崔神慶築於
汾東西之間曰中城晉在晉陽今太原縣治東北地也

太原府志

卷五十一 地理

三

晉趙鞅入晉陽尹鐸爲晉陽保障漢高帝徙韓王信都
晉陽立子恒爲代王都晉陽北齊文宣帝御金輅入晉
陽宮廢帝昭帝卽位於晉陽宣德殿唐高祖義師於晉
陽李克用大治晉陽城塹胥係一地是今太原縣治且
與古晉陽少殊奚得以郡邑同名太原途漫指爲一耶
漢書注龍山在晉陽西北今考天龍山在太原縣西南蓋
自晉魏以後懸甕者名懸甕以北諸山名漸繁夥遂析
懸甕龍山爲二其實太原西北山皆古龍山也地形志
注懸甕山一名龍山晉水所出可爲確証

漢志潁川郡父城縣注應鄉故國周武王弟所封應劭曰
韓詩外傳周武王與弟戲以桐葉爲圭吾以此封汝周
公曰天子無戲言王應時而封故曰應侯鄉是也臣瓚

曰呂氏春秋曰成王以戲授桐葉爲圭以封叔虞非應
侯也汲郡古文殷時已有有國非成王之所造也師古
曰武王之弟自封應國非桐圭之事也應時之說蓋失
之矣

智伯決水灌晉陽史記晉世家趙世家俱言決汾水灌之
魏世家載秦臣中旗馮琴對秦昭王則言決晉水以灌
晉陽而注史者云趙襄子保晉陽智伯防山以水灌之
不沒者三版其竇乘高西注入晉陽城東出城注於汾
說多不同然既曰防山取其乘高以注則爲決晉水無
疑蓋汾流平地且係北向南流而山峙其西安得防山
而積水也但云西注者注於西也如云汾水東注是也
若然則西注之西當是說字蓋山在晉水之西而城在

太原府志

卷五十一 地理

四

晉水之東水安從西注乎且既西注矣又何云東出城
乎卽云城邑變遷今異於昔而巍然之山則未聞若飛
來峰之越川易地而東西變位也或曰西注者自西而
注於東也此解庶乎近之又按後漢安帝時詔太原修
水利溉官私民田注引水經注云因智伯故竇而浚之
則亦謂決晉水也且韓康子不云乎乃今知汾水可以
灌平陽玩其語意蓋因此而例彼之辭也如前所云既
以汾水灌晉陽矣而猶曰可以灌平陽乎故余於晉趙
世家之說所不敢信

唐書烏重印父承玳張掖人又韓愈烏氏家廟碑亦曰張
掖人通志載入人物蓋因承玳爲河東將而附會之耳
五代史梁破晉軍圍太原李存信勸晉王北奔劉氏諫之

乃止按晉王二妃長劉氏多智謀嘗教諸婢騎射以佐晉王卽諫王北奔者也次曹氏生莊宗後尊爲太后者也今通志直書曰劉氏李國昌妻夫國昌爲晉王之父

劉氏乃晉王之妃如通志言劉竟爲晉王之母矣

李穀在後周世宗時判太原行府事此蓋遙領之職周攻漢遣穀詣太原計度芻糧故領此官是時太原爲劉氏所據至太平興國四年始降於宋周人安得官其地乎

通志載之名宦誤矣

榆次縣長寧水縣志郡志俱逸其名而縣志以爲世代推移川名變易大小涂水卽爲長寧今按水經注云涂水出陽邑東北大嶺山涂谷南與蔣谷水合至長寧水又云迤西與原過水合是二水犁然各別不得以大小涂

水卽指爲長寧水也

大原府志

卷五十一 雜錄

五

通志載趙惠文王十八年秦拔我榆次三十七城又載秦莊襄王二年蒙驁攻趙榆次取三十九城此乃一事而太史公複書之按史記趙孝成王十八年秦拔我榆次三十七城卽秦莊襄王三年事也通志作惠文王及莊襄二年誤

舊志載白起再閼單雄信三墓按史記起以病不肯將兵伐趙得罪秦王免爲士伍遷之陰密起旣行出咸陽西門十里至杜郵以羣臣言賜之劍起遂自殺杜郵去榆次千里而遙起旣以罪死安得遠葬於榆次白氏譜云秦思起功封其子仲於太原或仲死葬此後人遂以起當之耳又考晉史冉閼爲慕容恪所擒送之於薊後慕容

容儁斬於邊陲城與榆次相隔遠甚閼死而魏滅亡誰爲收之而遠葬於榆次哉單雄信者初爲李密將後與密偕降王世充太宗破世充時斬雄信洛渚上史有明文又何自葬此尤可議者府志註云唐遊擊將軍名雄信雄信爲世充大將世充潛號曰鄭若果雄信之墓又不當稱唐遊擊將軍也夫以此墓爲雄信固不可以此墓爲子虛烏有則又不可或唐時有將軍單姓者宦而葬此而雄信適以劇盜有名遂附會之歟

通志載中和元年李克用與沙陀戰於晉王嶺陷陽曲榆次而退按史唐中和元年五月沙陀李克用寇太原節度使鄭從讜遣喻安王蟾踵擊之會振武軍使契苾璋至與沙陀戰克用大敗引去陷陽曲榆次而退克用本

大原府志

卷五十一 雜錄

六

沙陀部朱邪赤心之子史先書沙陀李克用寇太原繼書與沙陀戰克用大敗猶云與克用戰敗之互文耳通志作克用與沙陀戰是以一人而岐爲二不知克用之卽沙陀也

太谷縣東南七十里有龐涓墓按史記魏世家惠王三十九年伐趙齊宣王用孫子計救趙戰於馬陵殺魏將軍龐涓虞喜志林云馬陵在濮州鄆城縣東北六十里有陵間深谷可以置伏涓敗卽此據虞說則馬陵在濮州去太谷絕遠涓墓何自而來此必因馬陵關而誤耳

通志孝義首列漢馮魴而不載何地人此蓋因魴封陽邑鄉侯而誤收之耳按太谷雖名陽邑但鄉侯亭侯乃漢之封爵而魴爲南陽人則史有明文安得混列之太原

郡內耶

昔禪通之叙五帝曰太昊而後炎帝繼出姓伊耆氏蓋以祁國伊繼國耆而稱名也黃帝握符子二十五人得姓者祁已勝箴任荀嬉姑懷依二姬二酉凡十四故六一氏曰黃帝之子首食於祁而世厥土帝堯生於丹陵徙於祁故亦姓伊耆殆依炎帝之舊與載考左國史鑑竹書開山等集所載僉同且謂耆祁祁本一字即太原府祁縣故今祁地北四十里曰堯城南五十里曰平陶均稱帝堯始封地則祁之封建愈明矣是古帝有五而祁擅其三也今祁東六支村二帝行宮巍然具焉其即當年遺址與

通志名宦內載橫渠先生張載按宋史及朱子名臣錄橫渠先生

太原府志

卷五十一 雜錄

七

渠爲祁州司法叅軍非祁縣也

通志晉滅祁氏魏獻子爲政分其田爲七縣以魏戊爲梗陽大夫此梗陽鄉梗陽城之名所繇始也今榆次清源徐溝祁四縣皆祁氏邑也而梗陽之在榆次清源徐溝未覈定址按金大定後乃立徐溝縣前此梗陽鄉一十一村猶西隸清源也考杜注梗陽屬晉陽南索隱則以爲榆次所有括地志與索隱合而後漢志注以梗陽屬晉陽與前漢注屬榆次似小別細覈之則一而已矣古晉陽即今太原縣也繇太原而西南爲清源縣清源而東爲徐溝而繇太原而東爲榆次榆次地本廣晉時會析餘地爲壽陽北魏省入晉陽北齊省入中都仍名榆次後又析晉陽餘地爲清源清源與榆次晉陽錯壤而

金時徐溝實分清源榆次地榆次有梗陽其地形本在晉陽南則杜注與索隱括地志初非矛盾而舊唐志云隋於古梗陽城置清源縣元和志云城在清源縣南北二十步瞭如指掌正義引括地志云分晉陽縣置本榆次縣地二語尤爲貫串此梗陽城之在清源梗陽鄉之在徐溝其定址可覈者也

唐初交城屬河東道武后天授初長史王及善移置山南却波村先天元年析置盧川縣於故地開元二年復併入今治東北有盧峪口

文水縣西南二十五里有平陶古城前後漢爲縣屬太原郡莽曰多穰後魏改名平遙後徙居京陵即今平陶都也今分州平遙縣本此

太原府志

卷五十一 雜錄

八

通志唐嵐州領縣四首宜芳次靜樂次合河次嵐谷宜芳本嵐城武德四年更名長安二年析宜芳置嵐谷今嵐縣十里有宜芳當屬唐宋嵐州地而金合河縣領合河津乳浪鹽院渡三鎮當屬興縣地樓煩縣當屬靜樂縣樓煩鹽池唐武德四年以太和縣屬嵐州爲今臨縣地又保德州戰國隸林胡北魏隸武川鎮唐隸嵐州宋淳化四年析嵐州地置定羌軍景德元年改保德軍元太祖十六年以嵐州併入管州至元五年復立嵐州二十二年併岢嵐入州則是河曲以南交城以北皆古嵐州地也

舊通志嵐縣宋立嵐州節度使於此按宋史無嵐州節度關志嵐之屬有靜樂嵐谷唐地理志曰靜樂有方池管岑

山山北有樓煩關今考之天池管涔山在寧武稍南而嵐谷卽回春谷也爲寧化所地今按嵐谷析宜芳置本嵐城也恐不係回春谷

舊府志余嘗至雁門抵崞石見諸山往往有剗削之處逶邐而東隱見不常大約自雁門抵應州至蔚東山三澗口諸處亦然問之父老則曰古長城迹也夫長城始於燕昭趙武靈而極於秦始皇燕昭所築者自造陽至襄平武靈所築者自代并陰山至高關始皇所築者起臨洮歷九原雲中至遼皆非雁門崞石應蔚之跡也及讀史顯王三十六年有趙肅侯築長城事始悟蓋是時樓煩未斥趙之境守東爲蔚應西則雁門故肅侯所築以之則父老所謂長城者卽是始皇之城也迨武靈既破

太原府志

卷五十一

雜考

九

敵始並陰山至高關始皇既并天下始起臨洮至遼東所保者大則所城愈遠耳

關志秦并趙築長城於嵐州紫塞尹耕曰趙肅侯築長城嵐州塞或肅侯之故而漢所謂武州塞也

舊通志云興邑漢汾陽地屬太原郡按水經注汾水出太原汾陽縣北管涔山今之靜樂北有管涔則靜樂乃漢汾陽也靜樂之西曰嵐縣古樓煩地興又在嵐之西與樓煩近與汾陽遠班書地理志樓煩屬雁門郡則在秦漢時興縣似當屬雁門郡樓煩縣魏置并州陁嶺以北胥襄之時爾朱榮據秀容樓煩爲重鎮屬新興郡高齊於嵐州置蔚汾縣乃興邑建置之始隋改臨泉又置臨津唐名合河以嵐瀋與黃河合故也宋改蔚汾元豐間

因瀕河地狹東遷五十里置邑於川谷平衍處卽今治是也金升興州元因之明改興縣隸太原

國朝雍正三年隸保德州亦猶明隸崞嵐州意然不如直附太原爲便非若河曲之在北境當析以隸州也

太原府志

卷五十一

雜考

十

太原府志卷五十二

藝文一

御製

聖祖仁皇帝御製詩

幸西省至太原

黎元瞻翠蓋三晉力桑麻納稼知豐稔祈年憶靜嘉邊
無戍卒苦巷有讀書家此幸非遊玩隆冬見玉花

賜山西布政使臣永泰

賦得綠樹陰濃夏日長

綠槐影蔭碧紗厨茂樹紛紛葉漸疎綿雨新霖消九夏
薰風初熟未三驅未垂蟬咽濃陰下脩景雲開炎暑無
長日山中吟咏畢氣清塞外鄙源珠

太原府志

卷五十二

一

賜太原營參將臣鐵金城

禁旅凱旋聞雁再作

上林秋曉淨煙霏每聽征鴻憶授衣此日諸軍齊奏凱
銜書不用更南飛

賜撫標中軍左營遊擊臣張玉珍

咏大石磯

遠近峰迴合潺湲淺深一磯橫大石萬騎出層林蒙
密巖花發縣蠻谷鳥吟龍堆塵不到憑眺足娛心

賜太原府學教授臣何祖武

為省春耕歷霸澧鑾輿頻止勸農功柴門掩處煙村靜
碧水長橋落彩虹

聖祖仁皇帝御書

賜太原府同知臣戴天祐

重營舊館喜初成要共羣賢聽鹿鳴三爵何妨莫蘋藻
一編詎敢議明誠深源定自閒中得妙用元從樂處生

賜交城縣知縣臣張丙厚

錄朱子次下學書
落成白鹿佳句

莫問無窮菴外事此心聊與此山盟
一溪春水微雲根流出桃花片片新若道長生是虛語
洞中爭得有秦人

聖祖仁皇帝御書匾額

巡撫大堂

清慎勤

保釐重任

敬蜀揚清

太原府志

卷五十二

一

巡撫二堂

宏粹經遠

布政使大堂

龍飛

風雲思

按察使大堂

澄清郡邑

清慎勤

冀寧道三堂

彰有德

賜提督山西學政臣汪涵

敦倫典故

賜太原府總兵官臣韓天伏

尚威嚴

賜太原縣九十一歲生員臣馬電

秀眉

聖祖仁皇帝御書對聯

巡撫大堂

正已風羣吏精心理庶民

撫安千里路宣布九霄恩

賜布政使臣永泰

遠處塵埃少閑中日月長

玉露始從今夜白金風初向此宵涼

賜陽曲縣知縣臣黃應中

太原府志 卷五十二 雜錄

雲裏帝城雙鳳閣雨中春樹萬人家

賜榆次縣知縣臣祖良才

劇暑悲難度清秋喜却回

賜祁縣知縣臣高竄臣

巖邊樹色含風冷石上泉聲帶雨秋

賜清源縣知縣臣丁克成

文入妙來無過熟書從疑處更須參

世宗憲皇帝御書

賜提督山西學政臣劉於義

玉堂清要

賜山西巡撫臣諾岷

摩潤蒸黎

賜太原府知府臣劉崇元

三月三日得雨

三春淑氣動萌茲膏雨知時四野皆東作共看霑溉足

西成咸慶歲時諧桑桑陌上青含秀稗麥田間綠正佳

佇覽霏霏飄灑意眷予兆泰少紓懷

皇上御製

賜山西巡撫臣鄂弼

旬宣此初任嘉爾副予望出政宜除細移風在獎良公

爲衆官表儉是晉民長保障休輕視家聲曷繼芳

乾隆四十八年正月十四日晉省得雪撫臣農起恭

摺

奏報蒙

太原府志 卷五十二 雜錄

賜詩一章

勅戶部尚書梁國治敬書

青齊報到思豫豫未報來晉報來同是節前露雪澤

積成五寸潤楚荑街衢糧價原平也郊野民情實慶哉

農起佳音農起候福星真是副名材

太原府志卷五十三

藝文二 勅 制 詔 表 疏 狀 議

載道之謂文經世之謂文文者豈徒侈藻彩之彬彬已哉古者太史輶軒之採以觀民風志乘之作亦猶是耳故語不切於民生意不關於風教文雖工弗錄也至於吟咏性情流連今古有足以增民物之華表山川之勝者亦採而錄之合南北之文人理純詞茂有兩美而無兩傷夫非覽觀者之一快事歟志藝文

高祖擇立代王詔

代地居常山之北與邊趙乃從山南有之近數有邊

寇難以爲國頗取山南太原之北益屬代代之雲中以西

本原府志

卷五十三 藝文

一

爲雲中郡則代受邊寇益少矣王相國通侯吏二千石擇可立爲代王北蘇王綰相國何等三十人皆曰子恒賢知溫良請立以爲代王都晉陽大赦天下

章帝緣邊歲舉孝廉詔

幽并涼州戶口率少邊役衆劇脩東良吏進仕路狹撫接遐荒以人爲本其令緣邊郡口十萬以上歲舉孝廉一人不滿十萬二歲舉一人五萬以下三歲舉一人

晉

成帝册溫嶠制

朕以眇身纂承洪緒不能光闡大道化治時雍至乃狂狡滔天社稷危逼惟公明鑒特達識心經遠懼皇綱之不維忿凶寇之縱暴倡率羣后五州響應首啟戎行元惡授馘

王室危而復安三光幽而復明功格宇宙勲著八表方賴大猷以拯區夏天不憚遺早世薨俎朕用痛悼於厥心夫褒德銘勲先王之明典今追贈公侍中大將軍持節都督刺史公如故賜錢百萬布千匹諡曰忠武祠以大牢唐

太宗優獎太原勲舊詔

高祖太武皇帝天縱神武膺錄受圖可久之德格乎區宇敦睦九族協和萬邦賢能必進德化潛洽革百王之弊興三代之風天平地成邇安遠肅至德被於四海休烈光於千載巍巍蕩蕩無得而稱焉朕嗣膺寶祚夙夜兢惕思述先志被之率土其內外姻戚平生故舊太原元從官人及歷試之所文武僚佐爰自胥吏往雖每降國恩恐未周悉太原府志

卷五十三 藝文

二

曲赦并州管內詔

門下上元育物大德基於施生前哲至仁大造原於去殺是以矜慎庶獄得其情而泣辜兼濟含靈窮其巢而解網朕懷此道逾切古人彼蒼垂鑒使膺司牧爰自幼齒乃屬時屯五岳爲封豕之墟四海被長鯨之毒茫茫區夏並懸命於焚原蠢蠢窮黎咸轉骨於冰谷是用仁心內發襲討外申吟嘯風雲揭日月而清大祲歟跳山河補乾坤以正封域採其垂餌之厄惠其壽考之安煦以陽和同被發生

之貺得膏潤中茲凱澤之錫粵自斯壤首建鴻名資此義徒遂登大寶夫小物不忘稟靈周於兆庶惟朕懷舊植性同其五情語地雖異中陽論心不殊代耶今茲黃髮已留連於廣宴在彼赭衣宜霽恩於宥罪可曲赦并州管內貞觀二十年正月十六日申時以前大辟罪以下已發覺未發覺已結正未結正繫囚見徒皆赦除之其犯十惡故殺人劫賊傷人謀殺人已傷官人枉法受財監治主守自盜所監治并常赦不免者不在赦例其有挾藏軍器亡命山澤百日不首復罪如初敢以赦前事相告言者以其罪罪之

冊周王爲并州都督詔

夫騰華星苑崇名器於藩維憑暉日御峻寵章於侯服故

太原府志 卷五十三 藝文

三

本支增蔚鴻緒滋繁而汾陽奧區鎮龍山而控遠冀方腴壤接雁塞而疏疆連率之寄親賢攸屬咨爾洛牧上柱國周王顯風則開秀器彩靈明識表魏州之象詞掩蘭臺之駕西園孤月秀心鏡而齊鳴小山叢桂偃情田而並烈溫恭夙邵業尚日新棣萼交芬瑾璋具美是用命爾爲使持節都督并汾箕嵐等四州諸軍事并州刺史牧及勳封並如故爾其克脩天爵聿苞地義方資化敷大夏惠漸京陵必宜缺社鳴桴褰帷廣聽懋宣聲績長綏福履光膺顯命可不慎歟

中宗授李承嘉并州太原縣令制

勅具官李承嘉擢秀士林昇榮禮閣公勤無怠幹制有餘旣脩太原是惟舊國爰制美錦實佇良材宜錫崇班佇聞

異績可檢校并州太原縣令散官如故

元宗授王仁皎開府儀同三司制

后族之榮況有資敬台儀之重允應旁求特進王仁皎盛門華緒當代賢戚不言而自有陽秋從信而罔愆風雨軒心作範已寵於金穴魯管增輝更芳於玉樹三事斯擬百工式瞻俾延椒臺之祥宜助槐庭之理可開府儀同三司置北都制

經邦創制建都設險必因時順人統物立極我國家以神武聖德應天受命龍躍晉水鳳翔太原建萬代之模爲億兆之主猶成湯之居亳有周之興岐顧朕眇身纂承昌運守宗社之大寶恢中原之鴻業叶時卜狩始經此都事本因心情兼惟舊近者嘉祥荐至休瑞屢臻此皆宗祏降靈

太原府志 卷五十三 藝文

四

神祇潛暨豈予匪德獨享厥休昔堯理唐郊式建丹陵之地漢居洛邑更表南陽之都今王業所興官觀猶在列於邇郡情所未安非所以恢大聖之鴻規展孝思之誠敬其并州宜置北都改州爲太原府刺史爲尹司馬爲少尹太原晉陽爲赤縣諸縣爲畿縣官吏品第視京河南府

代宗授王縉侍中兼河南都統制

門下天地之德資陰陽以成功帝王之道任將相而興化聿求左輔命掌元戎必藉文武之才用經軍國之務具官王縉有高妙之行有宏達之識學該古訓文正國風夢帝賚予濟川用汝百揆時叙四維克張累陳造膝之言彌契沃心之道濱海之右自河而南王旅攸同戎車殷會監於方伯之國利用建侯之司天將息人子有禦侮鎮漢汚淮

肥之地統齊梁魯鄭之軍總制高牙紀綱羣帥宏七伐四征之策成一匡九合之功式遏外虞底綏多難將授銅符之律爰容鎖闥之謀往哉汝諸無替朕命可侍中持節都統河南淮南淮西山南諸道節度行營事仍進封郡公食邑二千戶餘並如故

賜王綰詔

卿之伯氏天下文宗位歷元朝名高希代抗行周雅長揖楚辭調六氣於終篇正五音於逸韻泉飛藻思雲散襟情詩家者流時論歸美誦於人口久嚼文房謨以國風宜登樂府朕朝之後乙夜將觀石室所藏歿而不朽栢梁之會今也則亡乃眷棟華克成編錄聲猷益茂歎息良深

授王翊刑部侍郎制

太原府志 卷五十三 藝文 五
門下書曰惟敬五刑以成三德秋官之任也貳卿良選其在茲乎具官王翊力行近乎仁率性之謂道學以博物文能變風出入中外茂昭聲實靜而居易受不辭難使乎四方不辱君命斯之謂矣今丕蔽未明簡孚未允命爾作小司寇敬平邦憲在寬可行刑部侍郎

憲宗授武元衡門下侍郎平章事制

門下朕嗣守丕業行將十年實賴一二輔臣與之共理故外鎮方域則仗以爲將有絳侯厚重之資有丙吉寬大之風自登台司克諧人望頃屬巴蜀軍後人殘權委節旄俾往鎮撫信及豚魚恩加疲瘵每因利以施物不易俗而脩教政無苟簡人用便安惠茲一方時乃之績報政已久屬望益深宜歸左輔以參大政夫坦然公道可以叙衆才曠

然虛懷可以應羣物弼違救失不以尤悔爲慮進善紕惡不以親讐自嫌用此輔君足爲名相欽率是道往復乃官可守門下侍郎同中書門下平章事

王涯拜相制

門下上宰叅職所以法三台之耀中樞議政在乎遂萬邦之宜朕獲承鴻休思建皇極冀沃心而納誨恒注意以求賢具官王涯動直靜專踐方居易挺歲寒之勁質抱夙夜之端誠言唯守中慮每經遠屬者禁垣揮翰五字日宣選部持衡九流風動薦居肘腋之地歷試股肱之才進嘗伏於青蒲出不洩其溫樹牟融得大臣之節毛玠有古人之風詢廟筭以生知論兵鈴而暗合方今戎馬尚駕郊壘猶多必俟清明以消氛沴是用付以機密陟於崇高爾其發

太原府志

卷五十三 藝文

六

號令以端四方陳便宜以寬百姓行臺閣之故事宏朝廷之大體秉德以立徇公不回俾予一人垂拱而理敬聽朕命懋哉懋哉可守中書侍郎平章事

穆宗授王播中書侍郎平章事兼鹽鐵使副制

門下昔蕭何用新造之漢而能調發子弟完補報亡使關東糧饋不絕者以其盡得秦之圖籍而周知其衆寡也我國家秉十一聖之區寓提億兆人之生齒而曰不能足食足兵朕甚惜焉得非調陰陽撫中外者不欲侵貨泉之任而主會計較虛盈者不得叅邦國之重乎于今兼之允在能者具官王播在德宗時以封詔入仕踐領臺閣由御史中丞京兆尹掌縣官鹽鐵爲春官尚書乃長邑髦以控蠻蜩盡稱厥職達于子聞驛詔徵還便殿與語得所未得聞

所未聞昭然發蒙幾至前席重委操劔鋒刃益精國有羨財而人不加賦東師在野物力蕭然不有主張孰能戡濟是用命爾作相仍以舊務因之爾其西備戎羌東定燕冀內實九府外豐萬人百度羣倫罔不在爾於戲典謨訓詁行之具存邪正是非知之孔易予唯以不敏不明故用爾為股肱耳目又安能以一二戒誨垂之空言爾其自勵于爾心無令觀聽者論爾於鄉校可守中書侍郎同中書門下平章事依前充諸道鹽鐵轉運等使散官勳封賜如故

授李光顏檢校司空制

門下授鈇鉞之寄當兵車之會力鋤兇險志殄冠讐星霜固難奪之誠始終見師貞之節嘉猷益茂力集休勳宜崇寵光肆於時夏考諸前志斯為大經且官李光顏崆峒秀

太原府志

卷五十三 藝文

七

氣為時生才謙和不流簡厚能斷本忠信以經武閱詩書以理戎首職北垣聲雄大敵受命既平於朔野懸軍亦剪其巴庸已積功勞銘在鍾釜朕以淮漬負固歷紀稍誅自授兵符獨運明畧分營先得其地險吞敵屢挫於賊鋒嘗下名城拔其趙幟制勝之術動合鬼神百戰表於忘軀一心注於報國歲月滋久堅誠不回當兇妖就執之初是漬黨乞降之際單騎以入其柵壘免胄而弔其傷殘納之不疑乃見全德今攬槍已滅申蔡無虞寢興以思用息戎馬則報功顯秩位宜重於三公馭貴殊勲賦亦開於千乘陟論道之優禮獎述職之崇名爾其敬之無替舊服可檢校司空使持節許州諸軍事兼許州刺史御史大夫依前充忠武軍節度管内度支營田陳許等州觀察處置等使仍

賜上柱國封武威郡開國公食邑二千戶散官勳如故

授李源左諫議大夫詔

詔曰禮著死綏傳稱握節捐生守位取重人倫為義甚明其風或替言念於此慨然興懷而朝之公卿有上言者云天寶之季盜起幽陵振蕩生靈噬吞河洛贈司徒忠烈公燈處難居首正色受屠兩河聞風再固危壁首立殊節到今稱之其子源有曾閔之行可貫於神明有巢由之風可希於太古山林以寄其迹爵祿不入於心泊然無營五十餘載夫褒忠可以勸臣節旌孝可以激人倫尚義可以警澆浮敬老可以厚風俗舉之四者大徵於時是用擢自衡門立於文陛處以諫職冀聞讜言仍加印紱式示光寵可守左諫議大夫賜緋魚袋仍勅河南尹差官就所居敦諭遣發

太原府志

卷五十三 藝文

八

授張宏靖太原節度使制

授鈇鉞之賜其惟爪牙掌管籥之司允歸心腹况乎天兵作鎮王業成都全晉山河陶唐風俗外以威懷六合內以承衛二京操節制戎帥之權兼澄清列郡之寄訓齊五校表率一方歷選元僚無逾上相中書令張宏靖高蓋若慶大珪含章和順在中莊敬發外翼翼有致君之道兢兢懷許國之忠言觀器能早授方任風謠果洽於分陝膏潤實彰於近關洎登為鼎臣輔我衰職出納萬務清明一心宏宣遠猷慎守成式夢帝所資伊人是瞻朕以龍山之前辛乘殷會雁塞之上商民雜居求明畧以拊循資盛名而鎮定是用輟於鈞軸授以節旄崇高超列於天官密勿遙參

於台席敬聽後命載揚先聲在貞元初乃考成肅公弼諧德宗以敷景化肆予嗣位推爾業官匪惟勤勞於我邦茲亦光輝於爾室於戲入而惟輔出而爲藩行思永圖勿替舊服可檢校吏部尚書平章事充太原節度使散官勲封如故

敬宗封晉王制

門下昔周室之興也藩戚並建式資於維城漢氏之制也皇子畢封用固於磐石斯所以載宏丕緒惟懷永圖且茂德於本支遂推恩於嗣息况其祇荷眷祐屬當長賢宜承寵章允膺舊典長男普幼稟異質風應嘉祥旣表岐嶷之資日慕恭良之性朕以寡昧虔奉宗祧庶明父子之親以及君臣之義命以樂國錫以介珪用敷可久之基爰叶至太原府志卷五十三藝文九

公之道可封晉王宜令有司擇日備禮册命

武宗授崔元式太原節度使石雄河中節度使制

築壇命將在選攸難建旆臨戎爲榮斯極况并汾有豐沛之舊蒲絳居關輔之雄擢其才能付我憂寄具官崔元式族茂鼎甲器合珪璋明當察毫智必周物所蒞之職居然有聲晉絳行營諸軍節度使銀青光祿大夫檢校工部尚書武威縣開國男食邑三百戶石雄業擅韜鈴志堅金石勇無前敵義必忘身所舉之鋒何往不利况佩服榮顯作時津梁或劇職名藩累聞於尤績或南征北伐常紀於殊勲龔黃之接武尚優廉白之差肩無媿爾其懿效吾乃宣言陟明之命是曰彞憲隱并部叛卒已見成擒壺關狡童尚偷餘息干戈未偃飛輓猶勞爾其外訓甲兵內康黎庶

誅妖剪怪勲庸勿讓於他人布渥行恩愷悌俾流於隣壤儀曹起部長憲尹京俱成提劍之榮各重擁旄之任敬服寵命佇聞休聲元式可檢校禮部尚書充太原節度使雄可守本官充河中節度使仍晉絳行營諸軍征討等使授盧鈞太原節度使制

門下陶唐古郡晉國全服掌北門之管鑰控朔塞之河山魏武連營氏羌萬落用鎮興王之地必求易俗之才果獲碩臣允膺謀帥具官盧鈞玉山當畫水鑑澄秋揣摩政經淬勵心術蘊賢入之大業蹈君子之中庸進取不爭於險夷操尚無移於風雨歷踐華貫早揚淑聲重藩大寮始終一致屢委戎寄亟聞獻功番禺清紹於隱之江漢愛倖於叔子壺關所復汙俗惟新解亂繩而有條遷惡子而從化太原府志卷五十三藝文十

太原府志

卷五十三 藝文

十

泊佩囊天府授錢夷門克樹風猷薦舉方策今以塞垣未靜寇黨多虞莫善綏懷愈生疑貳道路既聞於漁奪克殘頗見其鴟張尚念前勞猶寬肆伐爰擇待時之器式觀禦衆之能輟於朝端俾之鎮府爾其賞罰無私德刑公用以清靜之方闡吾聲教以愷悌之義宣我化條理必成於恩威政無庸於煩紊勉爾令典副予知人於戲北貆熾周南仲有往城之績西羌擾漢營平陳保勝之方疇其嗣之必有能者寵秩旣光於論道恩榮仍亞於臺庭以壯戎旆勉服休命

宋

太祖贈韓通中書令誥

易姓受命王者所以徇至公臨難不苟人臣所以明大節

周故天平軍節度使檢校太尉同中書門下平章事侍衛
親軍馬步軍副都指揮使韓通定交霸府委贊前朝荷戈
共歷於艱貞錫壤迭分於戎律朕以三靈睠祐百姓樂推
言念元勳方酬異渥倉皇遇害良用慟然追升浴鳳之池
式表潛龍之舊

哲宗王從臣知岢嵐軍節

崇築培壘本以輯治軍旅及四方既平而假守之臣實任
民事列於右土之官矧嵐谷並邊寄屬尤重爾以選擇往
祇朕命夫能開示恩威以惠養吾人而懷附異俗則為善
於其職尚思爾守無替訓辭

唐

謝賜中和節御製詩序表

王維

太原府志

卷五十三 藝文

七

中使至伏奉手詔并賜臣皇太子所寫御製中和節詩序
聖澤曲臨天文下降日月爛其光彩風雲蔚其氣色捧讀
驚駭魂守失常臣伏以天地有常萬物必由其化陰陽不
測聖人能為之節然後垂文章以鼓天下之動張宴樂以
導天下之和三五以還盛美斯在伏惟陛下以道御物以
文化成立言盡經緯之本秉筆節陽和之中雖天旨元深
理絕於彌度而睿詞煥洽義歸於德邵文輝三象諧同六
律邁殷湯之晨露掩虞舜之薰風皇太子以聰哲之姿象
隸超妙鸞鳳之勢鍾王莫儔臣備守外藩獲承殊獎荷此
非常之賜實惟希代之寶窺觀則河漢無極負戴則山岳
為輕沈族捐軀何階上答不勝欣感之誠謹獻應制詩一
首章句疎蕪義理鄙淺君唱臣和歡逢宴鎬之時濫吹徒

歌輒效鈞天之末塵瀆旒宸伏深戰懼無任祇惕之至
進王維集表

王維

中使王丞華奉宣聖旨應是王維文賦並仰錄寫進上者
恩命忽臨以驚以喜退因編錄又竊感傷臣兄文詞立身
行之餘力常持堅正秉操孤貞縱居要劇不忘清淨實見
時輩許以高流至於晚年彌加進道端坐虛室念茲無生
乘輿為文未曾廢筆或散朋友之手或留篋笥之中臣近
搜求尚應零落詩筆共成十卷今且隨表進上曲承天鑒
下訪遺文魂如有知荷龍光於幽窆沒而不朽成大名於
聖朝臣不勝感戴悲歡之至

寒食謝新火及春衣表

武元衡

太原府志

卷五十三 藝文

七

中使至奉宣聖旨賜臣新火及春衣等煢煌自天纖麗同
降東帶欽衽盡飾之道已加捧炬迴光照臨之榮薦及臣
以薄才濫居臺憲曠官尸祿驟涉歲年陛下未責前過尚
容舊職忝陪班列兢惕每多載冒簪纓慙惶益甚今時惟
清明律中始洗當改燧火既荷維新之恩未去緇袍更沐
衣輕之賜猥霑鄙陋曲被幽微臣雖至愚豈不知愧伏以
先皇之德未報陛下之澤又深揣分循涯過叨獎遇將仰
申裨補俯効涓埃惟當以火燭心焚灼不忘於盡瘁以衣
勵已曳婁常誓於糜軀嫉惡觸邪進賢惟善有死莫貳知
無不為伏冀聖慈鑒臣丹慊無任踴躍屏營之至

謝賜新火及新茶表

武元衡

中使至奉宣聖旨賜臣新茶二斤者慈澤曲臨恩波下浹
光燭間里榮加微賤驚歡失圖荷戴無力臣庸瑣無堪謬

參風憲曠官尸祿已涉歲年竊位妨賢心知不可陛下宏上天之私覆迴白日之餘光錫貢頒榮布芳新於令節燧燧改火燭幽昧於蓬門既荷維新之恩更沐時珍之賜將何以仰申裨補俯効涓埃惟當焚灼丹誠激勵愚魯況先朝之恩未報陛下之澤又深省分循涯伏增頌越無任感戴屏營之至

爲馬司徒請刻御製箴銘碑表

權德輿

臣前竊睹御製賜靈鹽節度使杜希全君臣箴一篇輒請刻石於太原興王之都與元宗所製起義堂頌碑並列垂訓後代光示萬邦伏奉批表及賜臣等手詔俯蒙允許仍賜臣一本又賜臣御製宸扈台衡銘二首并叙精義微言深於義文之旨明訓大誠叶於舜禹之謨涵周詩而軌商

太原府志

卷五十七 藝文

七

頌準天地而懸日月五彩彰施而溢目八音均調以動心至於上下咸和君臣交儆僻邪無自而入猜虐不萌於中鬱埋底伏之氣宣強悍護諛之說泯援申甫以作誠紹唐虞而追蹤誠文教之極而至治之本也臣餘生陋質材朽功微陛下獎勵過深寵錫逾厚使得獲睹殊觀接聞至音目以勲賢稱其威武跪捧震駭顧循悚怍實願周旋奉戴內以爲子孫藏帙演昭宣外以垂金石刻今者琢磨已就刊刻方施至於次序篇章論載年月未敢卽定謹令圖書進上仍請於碑首正面刻作御製箴銘四字其下刻年號月日字建箴銘二首并序其碑首陰面伏請準起義堂頌碑例刻年號月日字建其下刻臣所上表疏伏蒙批表勅語及所賜臣手詔庶使後之觀者尋其并連究其本末以

知盛德之事懿錄不顯游揚無極臣之所願也不勝忻懼悃懇之至

薦李源表

李德裕

處士李源卽故禮部尚書東都留守贈司徒忠烈公李愔之少子天與忠孝嗣茲貞烈以父死國難哀纏終身自司農寺主簿絕心祿仕垂五十年暨於衰暮多依惠林佛寺本愔之墅也寺之正殿卽愔之寢室源過殿必趨未嘗登踐隨僧一食已五十年其端心執孝無有不至抱此貞節棄於王朝臣竊爲陛下惜之

忠州刺史謝上表

白居易

臣以去年十二月十二日伏奉勅旨授臣忠州刺史以今月二十八日到本州當日上訖殊恩收獎非次昇遷感戴

太原府志

卷五十三 藝文

百

驚惶隕越無地臣性本疏愚識惟褊狹早蒙採錄擢在翰林僅歷五年每知塵忝竟無一字上答聖明及移秩官寮卑冗疎賤不能周慎自取悔尤猶蒙聖慈曲賜容貸尚加祿食出佐潯陽一志憂惶四年循省晝夜寢食未嘗敢安負霜枯葵雖思向日委風黃葉敢望霑春豈意天慈忽加詔命特從佐郡寵授專城喜極魂驚感深泣下方今淮蔡底定兩河又寧臣得爲昇平之人遭遇已極况居符竹之寄榮幸實多誓當負刺慎官履冰勵節下安凋瘵上副憂勤未死之間期展微効踴身地遠仰首天高螻蟻之誠伏希憐察無任感激懇款彷徨之至謹遣某官某乙奉表陳謝以聞元和十四年三月二十八日

杭州刺史謝上表

白居易

臣去年七月十四日蒙恩除授杭州刺史屬汴路未通取襄漢路赴任水陸七千餘里晝夜奔馳以今月一日到本州當日上訖上分憂寄內省庸虛仰天戴恩跼地失次臣謬因文學泰厠班行自先朝黜官以來六年放棄逢陛下嗣位之後數月徵還生歸帝京寵在郎署不踰年擢知制誥未周歲正授舍人出泥登霄從骨生肉惟有一死擬將報恩旋屬邊隅不寧朝廷多事當陛下旰食宵衣之日是微臣輸肝瀉膽之時雖進獻愚衷或期有補而退思事理多不合宜臣猶自知況在天鑒忝非土木如履冰淵合當鼎鑊之誅尚忝藩宣之奇才小官重恩深責輕欲答生成未知死所惟當夙興夕惕焦思苦心恭守詔條勤恤人隱下蘇凋瘵上副憂勤萬分之恩冀酬一二仰天舉首望闕大原府志

卷五十三 藝文

五

馳心葵藿之志徒傾螻蟻之誠難達無任感恩懇切之至長慶二年

蘇州刺史謝上表

白居易

臣伏奉三月四日恩制授使持節蘇州諸軍事守蘇州刺史臣以其月二十八日發東都今月五日到州當日上訖時當明盛寵在藩條祇命荷恩以感以懼伏惟陛下嗣膺歷數重造寰區將致昇平在先政化詢求牧首勤恤黎元實陛下慎選惟良之秋責成共理之日也臣以微陋早忝班行首自中書舍人出爲杭州刺史幸免敗缺實無政能已蒙寵榮入改官相今奉恩寄又分都符獎飭具載於詔中慶幸實生於望外况當今國用多出江南江南諸州蘇最爲大兵數不少稅額至多土雖沃而尚勞人徒庶而未

富宜擇循良之吏委以撫綏豈臣瑣劣之才合當任使然既承命敢不誓心必擬夕惕夙興與焦心苦節惟詔條是守惟人瘼是求論陛下憂勤之心布陛下慈和之澤則亭育之下疲人自當感恩而歲時之間微臣或希報効塵蹟皇鑒吐露赤誠寵至空驚恩深未答無任慚惶懇激之至謹差軍事散將某乙奉表陳謝以聞

爲太原鄭尚書謝賜旌節等表

令狐楚

今月七日中使尹偕至伏奉勅書手詔慰諭臣及將仕參佐等并賜臣官告旌節寵命併臨榮光疊至欽承捧受感惕難勝臣昔爲諸生所冀微祿揣摩鉛鈍際會清平伏惟皇帝陛下至德配天大明並日朝有多士國無幸人若臣庸虛何足比數階緣所職被服殊私居郎吏之中已爲養

太原府志

卷五十三 藝文

五

竊立戎旃之下安所堪任前奉詔書除臣節度託肺腸而三省覺魂魄之九飛懇款未申恩光薦至使從天下拜迎而萬姓懽呼王在日中照臨而一方安泰編綸言於寶軸揮宸翰於綵牋既賜諸侯之旌又降將軍之節委之刑賞許以便宜臣實何人忽蒙斯寵重如山壓薰若火炎無以爲容不知自處謹以今日準勅拜受訖伏以旌唯進善節以詰姦昔常傳聞今則祇受度才非將雖天地所知稟令於君豈風塵敢犯誓當保安四境和叶三軍灑帝澤於州閭振皇威於邊境難酬天造庶竭臣心所守有限不獲陳謝無任感戴忤躍之至

晉

乞歸老疏

王述